



SIARAN AKHBAR

**JERAYAWARA HARI MENABUNG KEBANGSAAN 2016
SEKOLAH RENDAH PG SETIA NEGARA PG MOHD YUSOF
SERIA, BELAIT**

9 SYAABAN 1437H BERSAMAAN DENGAN 16 MEI 2016M

1. Autoriti Monetari Brunei Darussalam (AMBD) dengan kerjasama Kementerian Pendidikan (MOE) dan Tabung Amanah Perkerja (TAP), bersempena dengan Hari Menabung Kebangsaan 2016, telah mengadakan jerayawaranya yang ketiga di Sekolah Rendah Pg Setia Negara Pg Mohd Yusof, Seria pada hari Isnin, 9hb Syaaban 1437H bersamaan dengan 16hb Mei 2016M.
2. Acara ini bertujuan untuk meningkatkan kesedaran orang ramai mengenai kepentingan budaya menabung bagi menjamin kesejahteraan seseorang dari segi kebebasan kewangan (*financial independence*). Selaras dengan tema tahun ini "*Generasi Cilik Kewangan*", insititusi-institusi yang berkaitan, termasuk TAP dan Junior Achievement mengadakan beberapa permainan dan aktiviti interaktif khusus buat penuntut-penuntut yang hadir dari 10 buah sekolah rendah di Daerah Belait. Permainan-permainan dan aktiviti-aktiviti tersebut adalah bertemakan pengurusan kewangan di mana penuntut-penuntut perlu membuat keputusan-keputusan kewangan seperti menyediakan bajet perbelanjaan.
3. AMBD dengan kerjasama MOE dan TAP seterusnya akan mengadakan jerayawara yang terakhir di Daerah Tutong pada hari Rabu, 18 Mei 2016.
4. Di samping itu, acara-acara lain yang dirancang bersempena dengan Hari Menabung Kebangsaan 2016 ini adalah *Financial Fun Fair* yang akan diadakan di *Jerudong Park Colonnade* pada hari Ahad 22 Mei 2016 bermula jam 3 petang hingga 9 malam, menampilkan pelbagai program keluarga dan aktiviti interaktif yang bertemakan pengurusan kewangan secara berhemat; dan *Financial Planners' Showcase* pada hari Sabtu, 28 Mei 2016.
5. Untuk makluman lanjut mengenai dengan Hari Menabung Kebangsaan 2016, orang ramai bolehlah melayari laman web www.ambd.gov.bn/nsd2016 atau menghubungi AMBD melalui emel corpcomms@ambd.gov.bn.

Autoriti Monetari Brunei Darussalam

Tarikh: 9 Sya'ban 1437 / 16 Mei 2016

Rujukan: AMBD/COMMS/2016/3